



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SESOTHO PUO YA LAPENG (HL)

PAMPIRI YA BORARO (P3)

2021

MATSHWAO: 100

NAKO: Dihora tse 2½

Pampiri ena e na le maqephe a 5.

DITAELO LE DIKELETSO HO MOHLAHLOBUWA

1. Pampiri ena e arotswe ka DIKAROLO TSE PEDI:

KAROLO YA A: Moqoqo (50)
KAROLO YA B: Ditema tsa Kgokahano (2 x 25) (50)
2. Araba potso E LE NNGWE KAROLONG YA A le dipotso TSE PEDI KAROLONG YA B.
3. Araba dipotso TSOHLE ka puo eo o lekanyetswang ka yona.
4. Qala KAROLO KA NNGWE leqepheng LE LETJHA.
5. Etsa moralo wa tema e nngwe le e nngwe (ka ho etsa mmapa wa monahano/daekramo/tjhate e bontshang tatelano ya mehopolo kapa lenane la dintlha tseo o tlang ho ngola ka tsona). Ha o qetile ho ngola tema ya hao, e bale hape ho hlaola diphoso. Meralo e hlahiswe QALONG ya tema ka nngwe.
6. Meralo yohle e totobatswe ka tshwanelo hore ke meralo. O eletswa hore o sehe mola ho habahanya meralo, mme o se sehe mola ho habahanya moqoqo kapa tema ya ho qetela e tlang ho tshwauwa.
7. O eletswa ho sebedisa nako ka mokgwa ona:

KAROLO YA A: Metsotso e 80
KAROLO YA B: Metsotso e (2 x 35) 70
8. Nomora dikarabo tsa hao jwalo ka ha dipotso di nomorilwe pampiring ya dipotso.
9. Sehlooho se se ke sa balellwa e le karolo ya palo ya mantswe.
10. Ngola ka mongolo o makgethe, mme o balehang.

KAROLO YA A: MOQOQO**POTSO YA 1**

Kgetha sehlooho kapa setshwantsho SE LE SENG ebe o ngola moqoqo wa bolelele ba mantswe a 400 ho isa ho a 450 (dikahare feela). Se lebale ho etsa moralo, o boele o lekole tema ya hao botjha ka ho e hlaola diphoso.

1.1 Eka nka be ke buile mantswe ana pele a hlokahala. [50]

1.2 Dikgutsana le tsona ke batho. [50]

1.3 Thibelo ya ho nyoloha ha dipalopalo tsa batho ba tshwaetswang ke kokwanahloko ya Covid-19 ke boikarabelo ba motho ka mong hape ke ba mmuso.

Tshohla sehlooho sena, mme o hlahise mahlakore a mabedi a kang o nto totobatsa ntlhakemo ya hao. [50]

1.4 Ebe ho theola mmele ho ka ba le ditlamorao tse ntle kapa tse bosula? Kgetha lehlakore o nto tshehetsa pele ntlhakemo ya hao ka sehlooho sena. [50]

1.5 Tumelo ya Sekeresete e bolaileng setso sa batho ba batsho matsatsing a kajeno. Sekaseka sehlooho sena. [50]

1.6 Boha ditshwantsho tse latelang. Ebang o kgetha setshwantsho, ngola moqoqo o thehilweng hodima mohopolo o qholotswang ke sona maikutlong a hao o be o iqapele sehlooho. Se lebale ho etsa moralo, o boele o lekole tema ya hao botjha ka ho e hlaola diphoso.

1.6.1



[Setshwantsho sena se nkuwe ho tswa ho Google]

[50]

1.6.2



[Setshwantsho sena se nkuwe ho tswa ho Google]

[50]

1.6.3



[Setshwantsho sena se nkuwe ho tswa ho Google]

[50]

MATSHWAO OHLE A KAROLO YA A: 50

KAROLO YA B: DITEMA TSA KGOKAHANO**POTSO YA 2**

Kgetha mme o ngole ditema TSE PEDI tsa bolelele ba mantswe a 180 ho isa ho a 200 (dikahare feela) temeng ka nngwe. Se lebale ho etsa moralo, o boele o lekole tema ya hao botjha ka ho e hlaola diphoso.

2.1 LENGOLO LA SETLWAEDI/SETSWALLE

Moahisane wa hao o lahlela matlakala a hae pela heke ya hao. Mo ngolle lengolo o mo kope hore a emise ho etsa jwalo.

[25]**2.2 LENGOLO LA SEMMUSO**

O rometse Tokomane ya Boitsebiso (CV) ya hao khampaneng ya makoloi moo ba hlohang tlelereke ka kantorong ya kamohelo ya baeti. Ba o kopile ho ba romella lengolo le felehetsang Tokomane ya Boitsebiso. Ngola lengolo leo.

[25]**2.3 PUISANO**

Ngwanana ya dilemo tse 15 eo o kenang sekolo le yena o sebedisa dithethefatsi ebile o imme. Ngola puisano ya hao le yena mme o mo eletse le ho mo hlokomedisa ka kotsi eo a ka iphumanang a ikentse ho yona.

[25]**2.4 PUO**

Nako e ngata ya dithuto e senyehile ka lebaka la matsholo a boipelaetso motseng wa heno. Jwalo kaha o le setho sa mokgatlo wa baithuti, sekolo se o kopile ho tshetlehela baithutimmoho puo ka seo le ka se etsang ho kwala sekgeo sa nako eo e senyehileng. Ngola puo eo.

[25]**2.5 ATIKELE E YANG MAKASINENG**

Baithuti ba Kereiti ya 12 ba ithabisa ka ho nwa jwala ha ba geta ho ngola pampiri ya ho qetela ya makgaolakgang mme ba re ba hlatswa dipene. Ngola atikele e yang koranteng ya selehae e hlokomedisang batjha ka dikotsi tse ka hlahang nakong eo ya ho hlatswa dipene.

[25]**2.6 TEKOLOKAKARETSO**

O sa tswa shebella filimi e ileng ya o qabola haholo. Ngola tekolokakaretso ya filimi eo.

[25]

MATSHWAO OHLE A KAROLO YA B:
MATSHWAO OHLE A PAMPIRI ENA:

50
100